

蟲鳥吟 卷之四

秋闈分校疊何玉民原韻

人在西風古道行 崇山峻嶺記來程 暫辭白髮違寒暖 時

雙親迎養在 倚邑署中 且向青門話太平 卓午簾垂槐蔭靜 涼宵窗牖

露華清 此來幸與持衡選 十載冰心早自盟

又見西京雅化開 欣瞻君子咏 條枚成康舊 俗猶多士卿

相虛衷 只愛才 謂解筇方伯 時攝撫篆 白露風人臨水賦 曉雲星使入

關來故園我憶佳 桃李盡是名公手 徧栽 是科主試龔季思先 生戊辰曾主湖北鄉

試最稱 得人

蟲鳥吟 卷四

昨日班分雁兩行 晨興橐筆競升堂 竹籠我漫誇佳藥 金

線人誰作嫁裳 化鳥鳧多千里至 同校靈台讀古浪 史皆由甘省聘至 解繚鴟任

九香翔燃香夜誦 瑤華句平叔風流最擅場

君家蕊榜慶常懸 玉民家科名累 代為霍望族 錄寫登科有秘傳 文杏宴中

懷舊好 何紹斌榮緒玉民弟 也與子甲戌同年 桂花風裏話前緣 南山秋老雲

華重東院宵深月影圓 莫笑冬烘披閱苦 外間人望重如

仙

堂闕

曉起拈毫發篋餘 兩行冠履各魚魚 廣堂風味誰相似 笑

憶兒時上學初

明遠樓晚眺

烟鎖長安十萬家，漢唐人物艷京華。
北城舊日高皇殿，南院當年宰相衙。
幾代干戈餘草木，千秋陵寢化蟲沙。
不堪灞上重迴首，流水殘雲數點鴉。

昆明池織女石

一椽老屋巫師去，十里平原牧豎歌。
怪底滄桑容易改，昔年仙女亦呼婆。
土人呼石阿婆廟可晒也

舞陽侯墓

鴻門大力折重瞳，翊漢殊勲百戰中。
霸主逢君呼壯士，呂翁得婿又英雄。
果然屠狗人如虎，狂嚼生豚氣似虹。
英布

蟲鳥吟 卷四

鸞時彭越醢，舞陽功績卻全終。

咸陽謁文武成康周公太公陵寢

西望咸陽地勢雄，周家神聖有遺宮。
四朝禮樂光千古，一代人才首兩公。
古栢蔭畱秦漢上，高陵盤結渭涇中。
剔莒爲誦庭前碣，爭識百王祀典崇。

馬嵬

晉陽妃子侍衾稠，從此宮闈事可羞。
漫道開元遺事悞，三郎家世本風流。

沈香亭上方歌舞，潼水關前忽鼓鼙。
姚宋已凶楊李進，無人防患未然時。

西去匆匆蜀道難軍心離散妾心酸此身不負君恩重一
死能令萬乘安

入棧

踏盡邊牆嶺萬重北來人又看南峯客心竟日無塵事山
氣經秋有傲容古驛雲開黃葉出遙村路斷碧泉通晚來
二里關頭望憶得將軍盪寇功

鳳嶺二首

我本坦蕩人偏墮崎嶇境去年官白上紫塞邊風冷今年
入漢中千嶂插天迥城西蒼翠間突兀起鳳嶺綿亘廿餘
里蜿蜒路多梗十步一憩足迴環登絕頂雄關開鍛石兩

蟲鳥吟 卷四

三

峯真勁挺俯視萬山色面目不藏隱天風吹白雲片片落
袖頷古稱蜀道難或卽謂此景

家居嫌山少作宦嫌山多每當曳轎行宛轉蟻尋窠宇宙
多平砥此地胡嵯峨與客談險阻愁緒積眉窩客曰君達
人持論勿太苛世路難兩美苦樂本同科不見衙齋前遙
峯舒翠蛾開牕迎秀色几席有山河閑來一罇酒吏心樂
如何

畱侯祠

不見赤松子空傳紫栢山漢王多殺戮謀士得生還巧借
神仙說長辭濯絳班如何羽流輩疑事話柴關

馬道

無雙國士忽東回
夜月寒溪一騎來
檄定三秦成帝業
只緣君相解憐才

雞頭關

朝發馬道驛
暮上雞頭關
關勢何盤鬱
突兀接青天
到此疑無地
宛轉得躋攀
五步卽一折
危磴曲且彎
飛鳥不得過
懸崖入雲烟
恨無愚公力
移茲礙眼山
絕頂忽南望
平疇千里連
如閉襄陽中
開門象豁然
又似出峽舟
倏爾抵大川
始知地脈奇
險夷轉瞬間
入巧遜化工
勿矜捷足先世路多崎嶇
舉趾易踣顛
艱阻能盡歷
坦途乃在前
我爲

蟲鳥吟

卷四

四

參此理坐久暮山顛

修路謠

父負畚子負鋤
晨起呼鄰去修路
昨日官府出諭紙
云有大吏過此處
凸者削之平
凹者土須布
辛苦何敢辭
懼遭大吏怒
大吏過去只片時
從此鄉人慶安步

宿留侯廟

紫柏香焚短榻前
行裝纔卸便如仙
小窗一夜寒溪響
滌盡塵心二十年

廢邱關懷古

項羽封廢邱
乃欲制漢中
老拙一章邯鄲
豈及淮陰雄
當年

在楚時不識真元戎驅之歸漢王自令霸業空雲棧雖峻
阻轉瞬三秦通恃險不恃人畢竟無成功古來禍敗多何
獨一重瞳

鐵鑪川道中

落葉聲多響暮山崎嶇石磴馬行艱寒風忽灑瀟瀟雪人

在陳倉古道間

觀鐵鑪

伐木山巔取土山半紅山鎔作鐵黑山燒作炭

土可鎔鐵者謂之紅山樹

木多者謂之黑山

拙地突兀起大爐入夜火光燭霄漢一鑪開處須

百夫十鎊千夫勢散渙手足深黑面目青破布短衣只遮

蟲鳥吟 卷四

五

駢我聞南棧多流民形踪無褲黨四散北棧好作逋逃藪
謀生或者良樛半長官騎馬入山來寒色滿山烟影亂呼
之至前勸誠頻辛苦且飽太平飯能安生業卽良民莫待
赭衣泣狴犴紛紛領命辭官去我見歸途山鳥喚空山古
屋或有人要訪嵇康柳下顰

木瓦歌

削木梯鋪作瓦人家鱗次寒林下秋風不憂蓬茅捲春雨
亦從簷溜瀉古聖制合土考工官陶冶誰識深山中居民
更樸野兒童嘻嘻父老閒忘卻人間有廣廈乃知習久難
驟變因民之利隨所便良法拘用誤蒼生只爲深居寡聞

見

輿中假寐

暖日烘晴減嫩涼肩輿搖曳夢魂長東風忽送人聲雜知是前途午集忙

見駕車有感

天心愛人力乃生牛馬利引重以致遠長途隨執轡我見道旁車僕夫駕之易牽鼻來軒前宛轉如人意似感芻牧恩恐無圖報地惟此汗血身用之不辭瘁賦質雖蠢然亦解致身義所以古人言食祿忠其事

輿平

蟲鳥吟 卷四

六

牛首山前秋氣新寒花野草尚繽紛無情最是興平佛不

救英雄與美人

史稱符堅盜死興平佛寺楊妃縊死興平馬嵬佛堂

咸陽古塚

平原古塚盡王侯歷代殘碑數不休絕似文山十七史未知何處說從頭

曲江遺址

芙蓉苑外日鳴珂宴赴慈恩競綺羅白馬青驄多俠士玉簫金管醉秦娥祇今故道淤黃土憶昔新謳泛絳河莫恨九齡風度渺曲江久不作晴波

擬三婦豔詞

大婦杏子衫中婦石櫛鬅少婦着縞袂翩翩若春雲丈人
且酌取繁華安足云

睡起

靜掩柴門漸懶狂非關北牖學羲皇簷烏破夢聲驚枕鄰
樹分陰綠過牆一架青緇權作友幾人白首尙爲郎壯懷
自覺蹉跎甚辜負 堯天化日長

擬古

妾有一端綺中繡古山河持取獻郎看何事遠奔波

未央宮遺址

秋風蕭瑟漢王城懷古升高無限情婁敬指陳逢北伐鄴

蟲鳥吟 卷四

侯規畫振西京長陵古木棲鴉遍落日荒臺碎瓦橫只有

驪山千載月曾臨宮樹聽鐘聲

聞道

聞道西夷烽火然將軍新出玉門關何時跪向威靈佛誓
不中原再犯邊

張忠烈公硯

古人去已矣存者僅史傳惟有手澤物精光時一見愛古
得曹君示我盈尺硯云是蒼水公畱遺石一片公本勝國
賢時遭陽九變結寨大蘭山慨有恢復願兵敗趣崇明復
值孽龍患正氣感陽侯脫卻波濤難壯心猶不死揮戈復

西竄天心無能回誅茅臨水面驚聽白猿啼微軀留一線
冤哉狂僧謀友僕同入陷渡江拜舟子聞歌淚如霰就刃
無他語山色獨畱戀乃知達人心成仁何所怨悠悠二百
年黃土埋履劍誰從海島中一一徵文獻賴有此硯存如
睥靈光殿背銘廿四字字字噴烈燄石心似公心堅貞歷
百鍊想當草檄日氣壯目如電亦或拔劍歌好詞寫黃絹
淋漓血一腔多向筆墨灑曩者吳市中九沙曾作贊流落
入長安將同瓦礫賤忽遇故鄉人獲之等操券神物不朽
腐是有天意眷遂令公忠義歌詞人間遍我昔仰英姿觀
物益二嘆爲寫遺硯詩擬作瓣香薦

蟲鳥吟 卷四

八

苦熱

厭煞門前事紅塵十丈長此身眞附熱無物可招涼縱有
冰心抱其如炙手傷料他天上客也住火雲鄉

樹間秋蟲長安小兒以楊大哥樁媳婦呼之

杜老從前耳已聾長安怕聽可憐蟲如何兒女多風雅樁
婦楊哥語最工

擬子建七哀

涼雨滴空階秋闌曉亦昏中有離鄉婦含涕獨閉門閉門
何所苦寂寞日欲曛家在楚水東千里隔暮雲遠望不得
歸淚濕雙蛾鬢昔日桃李花今日成荆榛桃李令人悅荆

棘使人曠胡爲曠與悅今昔若兩人當時荷隆寵或恐亦
非眞

董江都墓

蛟龍入夢仰鴻儒漢代衣冠尙在無帝過望風猶下馬客
來談雨定爲狐天人有策名千古保傅無靈土一隅我向
臙脂坡上望白雲落葉吊江都

與同鄉諸君陝中夜話

旅况艱如此鄉音幸不孤材惟誇楚有人敢笑秦無舊雨
隣今我清風尙故吾季鷹歸思切不是爲尊鱸

北山有馬行

並序

蟲鳥吟

卷四

九

子在清購馬一青質白章性馴良過赫連臺出榆

關賴其力秋聞時久雨泥濘幸此馬與俱及抵鳳

四鄉訪問疾苦皆乘之今僑寓青門無力致芻豆

又不忍售淹淹瘦矣因作北山有馬行

北山有馬鳴蕭蕭伏櫪骨瘦慘不豪平生影絕光可超一
朝蹶蹄心忉忉去年朔方古郡隨星軹珠鞍玉轡閃旌旄
饑奔雕陰山下槽渴飲無定河邊溝主人見之心目搖謂
是敦頭之驄北海翻八尺爲龍六尺驕脉不償與氣亦調
何可任其長向邊風獨嘶號行將花看長安爾聯鑣秋爽
晴空薦鷓鴣此馬歷盡崎嶇步平臯書載瑤華有微勞宜

雷內厩沐恩膏主人異數難監叨猶恐泛駕或遺嘲嗟峨
秦棧八百遙古稱蜀道之難若登霄驅之厯險岨且曉食
雖不飽心不饜鳳山冰雪護鳳巢將軍駐戟脫征袍馬力
已瘖不敢逃高崗駢駢心灼燧罡風夜半聲刁刁天駟二
星落斗杓雲昏月黑鬪氛妖馬兮狂奔神禾郊神禾原上
土欲焦風景不是舊時饒校夫無力致芻茭馬腹雷鳴饑
餓歎聊聊含怒少脂臙不顛搖尾學村獒踟躕敗厩首頻
搔長對主人淚滔滔主人曰吁爾無聊盛衰榮辱惟所遭
爾不見上公赫奕珥金貂門前車馬何喧囂又不見身縮
銅章列俊髦奔馳馬首喜折腰宦海俄頃萬丈潮山頭落

蟲鳥吟

卷四

十

馬魂爲消何況古寒風氏久殂凋天下無馬語曉曉亦知
千金市駿來相招其實見驥只一毛昨日契賞若漆膠今
朝棄置等蓬蒿驚沙撲面吹冷颼矧爾微質奚怒呶爾性
素馴爾骨高何不更將英鷲之氣一汰洵神龍百尺雲霧
翺卷而藏之若螭螭虎豹猛跳復長嘒文彩雖鮮入籠牢
能屈能伸萬有包可動可靜一已操守拙待時暫寂寥勿
踏紅塵逞雄臬吾將跨爾古灞橋折柳看山時推敲不然
贈之金石交或頁奇書或寶刀他時一逢孫陽樂陶陶障
以錦障繫錦絛相將王府供芻蕘直踏天街路條條

纔看繁華綠滿枝西風獵獵又秋時十圍欲動桓溫歎九
辯方深宋玉悲夕照寒原喧野雀白雲古渡有荒祠槎枒
老幹分明見更顯蕭疎骨相奇

嚴霜何事太相侵一片輕黃染茂林向暖梅花撐豔骨迎
寒桐樹抱孤心祇知溫室春常在誰念長途秋已深辛苦
歸來秦棧客馬蹄聲響度遙岑

曲徑依稀認未明奚童抱帚且相迎亂雲擁樹日無色涼
雨灑窗秋有聲小院不堪藏睡鶴芳隄曾與聽春鶯真誠
共抱忘寒暖安得人間盡女貞

唐時宮殿已成邱不見裁詩出御溝冷雁一聲霜欲下寒
鴉萬點晚爭投芙蓉院裏傷新別楊柳樓中憶舊遊須識
從來舟楫利師資獨取葉沈浮

浮踪我本類飄萍又見天涯換舊形秋色帶烟還帶雨愁
懷宜醉不宜醒漫嗟遊子頭將白只倩東皇眼復青盼到
長安花事好濃陰萬樹覆郵亭

雙騾吟

秋雨乍晴渭南道中作

登場有黍碾場有騾雙騾駕一石宛轉輕如梭昂首顧道
旁久雨泥滑多中有騾暗泣背瘦千金馱一步一蹶氣咻
咻鞭之不起任罵呵騾分騾分本同類苦樂不均可奈何

孟他山出其祖畫梅石二冊素題

世人遺後滿籬金先生遺之畫兩冊卻嫌牡丹色太赤蕭然只畫梅與石想是豪狂放山水幽夢多與紅塵隔梅如傲骨石如心寫此畱傳高士格抑或欲醫子孫俗長久家風存清白石兮梅兮性耐冷莫受人間虛色澤他山爲我頻展卷古香古色生几席十枝五枝儼屈鐻一拳兩拳若削若似將千古恬淡人霎時俱向案頭集燈前摩挲輿飄然我亦忽動花石癖

登同州東門城樓

滿眼浮雲盪客愁西風人在古同州隋皇故里寒蟲咽司馬荒祠老樹秋幾代使君資保障千年遺老望風流于今

蟲鳥吟 卷四

故壘蕭蕭在白日誰憐王粲遊

九龍池亞媛墓歌

我聞長慶進士張無頗玉膏授自袁仙娥江頭欣遇廣利王龍女金合結絲蘿又聞儀鳳年中有柳毅訪舊涇陽初下第後來仙作洞庭君乃因龍女一紙寄世間幻事莫須有文人好異談嘉耦只傳龍宮女下嫁不云龍神特取婦馮翊勝說九龍池九泉同流地脈奇歷朝致祭答天庥功德在民原無疑紛紛軼事紀至元珠冠玉貌塑後垣土人導余指西廡中有夫人乃亞媛云是同州良刺史爲民祈澤焦欲死尋思無計悅神靈願將幼女帷前侍果然沙苑

垂濃雲雨足郊原已十分繡閣佳人忽暴亡彩雲猶護九
霞翳刺史去後棄娉婷夜來山寺佩東丁從此相傳四百
年寒雨淒風一柩停 國朝蒼老尙義氣祠東相得牛眠

地畚鍤齊舉埋香魂骨現金光特誌異

康熙四年土人舉柩葬之見骨色如金聽

君此言費沈吟神本正直無荒淫天上亦有金科與玉律
分土各當守官箴卽云神仙飄蕩非無情也須契合判幽
明何不逃竄學太白竊取織女梁玉清不然水中有良匹
螺女蚌母居鮫室霓旌翠羽戲碧波亦可陶然樂琴瑟我
嘗凝思搜渺冥石不能言有所憑姚姚生子弟蠢陋物敢婚
天上三女星蔣侯戰死本忠烈奚爲投楯愛媼媪天地之

蟲鳥吟 卷四

十三

大無不有山魃狐魅卽小人妾將雲霧起樓臺風流遂爾
誣正神惜哉刺史未深考拋榼荒堂眞草草既有精誠卽
格天妖孽百端緣心造欲洗人間河伯納婦寃安得復有
鄂州西門豹

謁韓使君祠

前年策杖韓家山使君墓前望晴巒今年息轍馮翊地使
君祠邊多秋意墓壘壘祠紛紛何爲千載行人獨弔君遺
愛在民思循吏讀碑如灑峴山淚

同州雜詠

王樸當年史館呼匆匆一死太模糊人臣最忌彰君過御

史公然說罪無有小祠祀之

龍門太史本鴻儒，千古文章大雅扶。偏把風流傳此老，瓣香今又拜清娛。

祠後有珠冠玉佩像，與太史並坐，詢之乃其侍妾隨清娛也。

佳節羣迎新嫁娘，日斜街上見紅粧。兒家夫婿多情甚，歸路爲牽馬首韁。

夜聞鐵馬

年來征鐸響丁東，處處輪蹄逐曉風。五夜夢迴聞鐵馬，猶疑身在客途中。

春郊

夜來微雨響方塘，馬足無塵引興長。晴日漸舒風漸軟，一

蟲鳥吟卷四

十四

分春色在垂楊

三日茂城借諸生，登麟經閣看桃花。

嫩柳垂青弄午晴，東風緩步出春城。人隨鳥篆探沙路，河下龍門減怒聲。花事年年忙裏過，鄉心夜夜夢中生。郭堤十里桃千樹，吟侶多應載酒行。

幾年未盪武陵舟，北地風光只強留。剝落朱門沙際寺，欹斜碧樹郭邊樓。馬塵盈路迷仙掌，蝠糞和泥黠佛頭。南望不堪尋洛浦，昔賢歌詠已全休。

華山紀遊詩

八山

傲骨稜稜不受塵幾年仗劍入西秦阮郎漫灑窮途淚幸有華山作主人

玉泉院

驅車雲臺觀徐抵玉泉院

雲台觀後周武帝為焦道廣築玉泉院乃宋端拱中建以居希夷先生者也

院東

祀羣仙遺像何璀璨西有巖然山高亭間廣殿竹林竊以深天花飛片片繞逕度曲廊泉光白如練古樹隱蒼蒼幽咽聲不斷此泉何處來來自蓮花嶺石潭二十八清光若星散

西峯頂有二十八宿潭山下之水皆屬此

聞說在山時高處味嫌淡砵崖復轉壑廿里性方變剛者味忽柔玉液滿寒澗始悟水味佳亦須奔流遍人生有本質焉得不研鍊

蟲鳥吟 卷四

十五

王猛臺

王猛臺前野草芳空山拾得綠沈槍

雨中常漂出刀槍等物

何年訛作

瑤池蹟金母無端對木皇

道家誤為王母建西王母廟又於東岩以東皇公祠配之殊可哂也

希夷先生睡像

古來奇傑士原欲銘鼎彝命寔遭世亂山林乃棲遲所以仙人號不見堯舜時我想長興末干戈弄羣兒先生生其間靜以相時宜亦欲出山去舉手極流離

先生曾舉長興中進士

皇天

未厭亂經濟無所施醒眼茅屋中何忍見淩夷歸來且長眠養和樂期頤一覺星物換憂憫存夢思苦衷不得已豈

望後人知及至炎宋興日月有人持避詔以全真

華頂有避詔崖全真

崖壁其
遺蹟

翩然老鶴姿天下從此定大笑放厥詞一片愛世心
於言早露之入朝至再三口不談幻奇只勸興治化修煉
無出茲反薄昇天事無益徒世欺此豈隱者言皇皇謨訓
辭奈何黃冠子效之路實歧日日談吐納黃白只營私先
生睡夢中應必嘲且嗤

五里關

一抹紅牆鎖亂山流泉碎石路迴環居民曾仗山靈護舊

壘猶存五里關

昔人多避兵子
此因築關焉

上方

金仙公主
修道處

能拋富貴卽神仙羞向深宮理翠鈿駕鶴軒前仙子去白

蟲鳥吟 卷四

十六

雲紅樹似當年

十八盤

漫說人間蜀道難嵯峨巨石撼迴湍我曾身陟連雲棧不
及靈山十八盤

青柯坪

我讀山海經華山五千仞削成而四方不與衆山等是說
余頗疑恨未雙眸騁及抵青柯坪乃悟天然境三峯一氣
包勢若束井井仰望萬丈崖插天搖秀影面壁心殊憂無
路登絕頂此乃山之根形勢獨巖整迴首來時逕蜿蜒特
小嶺古人不秒欺三復發深省

華山削成方體及青柯坪
乃見之其餘山非太華也

梅花洞

石點何斑爛古梅根倒掛乃知混沌前已有天然畫

水簾洞

又名仙人洞

一片蓮花水直下懸崖間山腹歷古洞望之如雲烟土人
指余言洞外水如簾昔年求靈藥鷓鴣此中潛以繩墜人
入驚飛不得前我聞石仙洞幽深別有天綿亘三百里瑤
臺相鉤連金精與石髓噴作天上泉胡不窮其奧真妄當
詳研懷疑徒仰視千古總茫然

迴心石

殷勤勸返駕屹然一片石石兮爾無知我本烟霞癖

蟲鳥吟 卷四

千尺幢

誰把懸崖鑿劈開一線天入山欣有路陟頂恐無緣兩足
罅中立雙繩掌上牽幾人如倦鳥相望不能前

百尺峽

剛從甕底出又入甕中行峽深天忽暗不見日光明此身
如獼猴掛樹欲哀鳴捫壁暫憇足同伴各相驚君輩勿復
憂努力愛前程千尺亦已過百尺奚足云

老君犁溝

行過車箱崖山徑更劣崩空際懸石梯直上畏登陟腰屈
不敢伸一步一匍匐或云古無路老子施神力鐵犁隻手

扶開此溝道仄或云煉丹時老子守淵默從此離卻垢遂
爾登仙國離垢與犁溝其說空惶惑求仙事渺茫不如看

山色

猢猻愁

鑄鐵猴俯瞰黎
溝作愁狀故名

我本雙足健思欲歷九州升險如安步豈作猢猻愁

蒼龍嶺

華山第
一險處

山勢仄欲斷危梯一綫安始知騎虎易不及騎龍難

將軍樹

終古天風響翠濤雙松雲際挺奇操大夫蒼老將軍勁只

爲人間托體高

巖鳥吟 卷四

五雲峯

投書前路記昌黎鐵瓦頽垣幾古祠

有宗土地祠四仙菴皆圯
俱鐵瓦恐風颺之去也

迴首驚看來逕險五雲峯上立多時

暮抵蓮花峯無酒

蓮峯非蓮社胡爲無杯酒誰解元亮饒風前空搔首

西峯夜聞松濤

靜裏忽聞天籟鳴春山小閣夜寒生玉姜琴韻懷謙笛添

入松風作水聲

玉姜卽毛女善瑟唐道人杜懷謙喜吹笛至
今風月中往往有笛聲琴韻人以爲仙蹤云

老君鍊丹鑪

老子愛清靜未必事黃白不見五千言言言皆道德

登落雁峯立仰天池上

俯首弄碧泉昂首礙青天諸峯人仰望應疑我已仙思

見三峯桃花未開

古樹蒼茫日影遮行來白石路欹斜瓊樓玉宇高寒甚春

盡碧桃猶未花

登東峯遇大風

剛風吹人衣直欲攝之去飄飄如步虛足輕無着處我乃

風塵客山靈應見妬四顧羅列峯頃刻搖烟霧繞膝亂雲

生奔塞疑無路此來為山水不望神仙遇縱有引迴風凝

神且強步

蟲鳥吟 卷四

仙掌峯歌

東峯壁立四千丈背有巨蹟成仙掌五指槎枒撐雲霄勢

欲捫天影直上云是天帝使巨靈為順河流分山形自從

掌擘中條斷蹟與日月懸萬齡其說毋乃理難曉張衡作

賦逞文藻若言事在治水時禹貢何不紀神巧我聞佛言

混沌開茫茫空水天風來晝夜鼓盪漸結沫劫灰萬年吹

作堆平者為地高為山昔日波濤今峯巒不見大石多纏

疊其痕乃與水痕般此峯想當此時變土膏凝結若冶鍊

五色歧出形如拳後人驚為神蹟見再三撫掌費沈思坐

對嵐光果絕奇平生原不信佛語此語之理或有之

玉女峯石竈

本是濁河龍馬羣皇初綠字獻奇文何年伏向中峯上玉女裙邊吐彩雲

迴望蓮花峯

插天一朶秀芙蓉山勢分明漾碧空道人浪說蓮花現千

葉紛披玉井中

人謂蓮花峯以玉井千葉蓮得名其實乃山形若蓮耳

下至北峯遠望

曉起穿雲下翠微雲臺峯上望晴暉平原千里晴如畫看見晴雲貼地飛

望毛女峯

蟲鳥吟

卷四

三

秦時古洞隔雲烟毛女高峯在眼前海上枉教徐福去不知宮裏有神仙

見鐵碁鐵斧鐵犁等物戲賦

仙人卽痴頑未必頑於鐵如何手澤物偏愛重且拙天然好華山庸夫亂補綴世界本清涼假怪以取悅聖母與天王處處增宮闕詢之係何神茫然又無說我愛朱文公釋道判優劣謂彼羽流家將佛壞處竊日逞淺陋談愈失精微訣漫云山中烟霞致特別靈山眞面目幾爲掩清潔此論覺微刻仙踪一昭雪若逢青牛叟聞之應笑絕

遊華山歸

邱壑填胸飽十分燈前細話酒微醺從今不敢誇廉潔袖
有華山一片雲

送大荔幕友郭東山歸巴陵

君擬南歸我滯秦猶將冷眼看紅塵他時黃鶴樓頭月定
恨銜杯少主人

自笑年來生計疎清風兩袖似當初天涯若有相知問只
說窮途尙讀書

記取秦關別楚雲柳花飛後袂初分河流不斷山如掌客
裏逢君又送君

王官谷弔司空表聖

蟲鳥吟 卷四

三

文章氣節一肩擔唐季孤忠實不慙久棄貴官同鄭五肯
將晚歲事朱三谷前盜過知遙避壙下賓來死早甘我向
休休亭外望清風直並大河南

王官谷河尙南
流至潼關始東

登樓

大風狂撼塵沙立失卻樓頭數點山一雨猛然天際過清
光依舊在人間

同州道中

秋到已三日人間更苦熱火雲烘赤日征夫盡息轍入夜
微風來徐徐展輪鐵蘆葉未作花暗中響切切不見塵飛
揚但覺汚毛髮東盼首陽山須臾光發越滔滔河流中浸

起微缺月古樹影參差棲鴉噪城闕晚烟綠漸散繁星光
欲滅焉得銀漢傾一洗此酷烈天心原仁愛甘霖或應節
迴望少華西卻喜金電掣

與同州書院諸生論文六首

一曰立骨高健

正其格也

飛鶴摩碧空精神何矯舉駿馬值千金駑駘難與伍其骨
本天成峭拔而高古學者入門功第一戒陳腐急掃糟粕
言莫辭琢鍊苦骨秀神乃清斯文得砥柱所以古仙人洗
髓登仙府

二曰運氣流暢

和其脈也

濁河從天來終古自滔滔華嶽何凝重常此聳雲霄推其
流峙機皆爲元氣包是氣人得之遂爾心神超善夫昌黎
言氣勝文必豪胸中具邱壑腕下生波濤作者如有神閱
者若忘勞風利不得泊此語宜推敲

三曰命意真切

戒其泛也

野人無修飾拜跪有逸致孩提未讀書亦懷愛敬志滿腔
盡天真舉動了無累由其忘於淡所思不出位學者筆如
刀要訣在割愛權作雅素妝漫爲脂粉媚覲戚相情話媿
媿徹夜對好言不由衷昏昏或思睡操觚悟此法立言定

純粹

四日出筆曲折恐其直也

驅馬登坦道千里一平陸有景皆雷同畧觀意已足策杖
躡崖谷重複山水綠花柳又一村樓臺白斷續好鳥何處
啼白雲無心逐引人漸入勝宛轉恣眺矚作家分死活跌
宕與直率如水痕疊縐如山脉起伏絕世仰丰神取徑在
避俗不見天上星文星號文曲

五日用典活秀

懼其板也

綵勝翦作花枝節非不妍及遇眞桃李終覺遜新鮮木石
塑爲神衣冠亦儼然毛髮欠生動傀儡何堪憐古哲去已
遙經籍充婀娜撐胸雖萬卷食古化最難讀書能得間意

蟲鳥吟

卷四

三

乃在筆先冷金須錘鍊切玉須雕鐫借問畫中子何如眞
嬋娟

六日說理爽朗

慮其爾也

冬意太蕭條春光亦綺靡惟有秋景清人居爽氣裏風月
揚高輝天然去渣滓文人尙堆塚尋思何足取塵羹與土
飯未必甘且旨一語能抵百累牘奚爲爾骨瘦如秋山眼
明如秋水清光忽大來乃可參妙理大哉孔子言辭達而
已矣

食三白瓜

銀刀剖出九秋霜勝向青門五色嘗舌底霏霏生玉屑腕

中滴滴泛瓊漿露零蓮瓣初成粉雪釀梅花別有香滌盡
煩襟千萬斛頓教虛室現清涼

長春宮故址

隋皇宮闕昔嵯峨舊壘蕭條幾度過千點寒花圍故井幾
株衰柳護平坡河因雨後奔瀧急山到秋來變幻多莫向
太原瞻異氣唐時陵寢亦消磨

朝邑雜詠

洛河東去日西斜兩岸深紅作彩霞莫笑羈人無好况春
來騎馬看桃花

綵作衣幫翦製工人當戊夜付東風居民怪底無饑色春

蟲鳥吟 卷四

到家家解送窮

俗於正月五日翦紙作婦人戊夜送之謂之送窮

土築方城固若磐清明楊柳弄風寒當門懸掛秋千架要

使冰人看長官

俗稱未守女爲長官

沙苑城西古馬坊宇文軍士凱旋忙於今不見旌功柳暮

雨蕭蕭盡白楊

蒲津關外水迢迢河走秋聲擁暮潮剩有鐵牛緣岸立令

人悵望失浮橋

蟲鳥吟 卷之五

漢陽蕭德宣春日

雜感

居則友松竹出則友雲山非謂學逝世結納俱可剛濫交
比匪人久必售其奸不如隨所適福地皆鄉嬛

五月卽纒絲寒時方有衣八月卽績麻暑時多綌絺涵養
平日足臨事能出奇輻脫始求輪馬逸始求羈不能馭事
先必悔見事遲

李膺門墻峻荀爽喜爲御曹嵩未見趙遂棄印綬去李趙
固稱賢荀曹亦足慕樂善有定見不倦力能赴陳相見許

蟲鳥吟 卷五

行拜倒不知悞拋却周孔言一朝倍師傅

高髻笑低髮長裾譏短袂人生習見障破之乃爲貴陋哉
遼豕見小哉蜀犬吠庸庸者何子飽食誇小慧手挾半卷
書知人復論世

香山婚震卿翩然獨不累素厚元與牛黨與無所罪晉公
雅重之不因爲進地想其胷次高道德何純粹混俗太靡
靡違俗亦取戾誰能如妙蓮處汙不染穢

寶劍長三尺用在双一絲不律長五寸用在毫如錐其餘
柄與管皆無所用之然使無此物有用亦難施造物無盡
藏靈蠢各異姿剛者守門可聾者司火宜世間無用物惟

在用之奇

崔沆放崔滢沆滢爲一氣審權放處權兩權無所忌是有
天合之巧遇特標異乃知科第間宜重師生誼文正感元
獻終身獨敬事羣也忘陸贄其子竟罷試所以一莊荒致
招夫人戲

葉人證攘羊仲子惡受鷺只知名可好倫理虧已多世衰
尙矯情持論必嚴苛周澤明奏妻安望琴瑟和郭巨忍埋
兒安望母病瘥

方帥遺香蠟秦檜乃大喜鄭仲遺地錦得罪幾至死同一
趨附心報之有彼此奸雄固難測君子當知恥客有求於

蟲鳥吟

卷五

我遂誇鄒忌美矧餌以厚餽居心必奇詭奈何脂韋者鑽
營計無已枉自做小人反受小人訾

目不容微塵齒不容一稗如何靈臺中紛紛塞草芥造意
必城府遇事必機械渾忘天地寬只憑方寸隘荆棘任叢
生山川爭險界雖有鸞鶴姿定見羽毛鏝

劉美少工鍛其後乃貴尊上賜金銀器多有刻己名景宗
微荷畚築第相國丁及其居政府賜以晉公廳辛苦貧賤
時豈料卽我榮冥漠必有主役役營衆生未識造化大敢
決敗與成

梁公憐崇質絕域請代使韋綬讓楊凝舉首不廷試皆因

其母老願子常奉侍古人重友道推恩無不至今人臨利害秦越路爲二欲挽頽俗非振作在當事

孔門評諸賢顏淵首一指禮樂參四代隱以帝王比雍也可南面人君度在此至于由求輩可使從政耳大聖抱朗鑑量才如玉尺擬人必于倫量法存戴禮綠何昌黎翁立言失要旨妄將臧孫辰並論孟夫子

憂民如有病見客似無官予愛此二語佩之等帶擊古人厘一夫不獲必難安古人輕千駟視同草芥看高牙與大纛非不雄觀瞻望之爲父母當念兒飢寒作勢以凌人虎狼而衣冠

蟲鳥吟 卷五

三

曲木最惡繩頑石最惡攻射薄責人厚如以莛撞鐘彼善飾非者祇作耳過風也先婦反日明里救暗中正室泣靈幃片語感乃公忠告而善道方收切磋功

王播判鹽鐵通方詠憔悴欽若守杭州華髮傷老尉因係同年生一賤復一貴卒能薦舉之皆不物議畏文同命不同惻然傷其類二公非盡賢猶不忘臭味細人奔勢利閉口懶噓吹不信于朋友獲上亦可愧

場師開冬花鳥師教雀奕世間無知物能使有知識遇事先畏難束手亦何益人定可勝天勿爲天所域

遠遊子思親抱貞婦懷夫律以思出位未免失之愚要知

收放心邪正路各殊邪者驅之去正者留與俱一概遁空
虛吾學豈禪枯

朱泚走涇州瞥見段司農楊收乘白馬元价忽罹凶大抵
精忠氣死後魄猶雄余得請于帝雖親亦不容迂儒耻說
鬼斥爲亡是公烏知宇宙大陰陽爲始終天網疎不漏果
報總無窮王法所不及可以冥法通

侂冑魏公孫庸僚偏擅權師旦獻其妻政府相勾連倪僕
售其妹得府亦超遷乃祖本公忠淫凶竟改絃宰相有黑
頭夫人有紅鉛古今同一例廉耻道久捐不料劍南翁南
園一記傳

蟲鳥吟 卷五

四

武侯葬定軍居民常祭掃年年寒食哭聲震沔陽道白傅
葬龍門碑刻醉吟稿土庶競過奠酒滴成泥淖二公益世
才流風何浩浩卽今千萬載光華凌穹昊可笑齷齪子亦
知名爲寶生無補於世死猶樹華表方召比武畧李杜比
文藻那知行路人唾罵頭懷掉

門下小廝某書上老公公渺渺小學生儀部太謙恭世間
稱謂奇明季古無同執笏鮮氣節安冀報國忠獨亦曰王
前齊王罪朕躬杜老呼此兒嚴武待之豐但使所守正奚
畏雷霆雄拙矣槍地烏哀哉可憐蟲勿視其巍巍浩然氣

何窮

仁人好施與貴在知所擇孟嘗客三千雞狗得亂厠所以
王介甫好士論獨刻退之謂鳳翔賢愚宜辨以一概予千
金患多賢路仄張瓌稱祁公何嘗吝金帛好施人所能不
妄實難得恩寶莫易開請以杜爲則

士夫愛子弟望其能成立徒抱舐犢心驕奢不可說灼灼
園中花鬱鬱山上柏紅綠相芳菲固喜土潤澤時時灌溉
之萎黃反無色由其受恩多久之恩成賊儘作嚴父怒毋
爲慈母泣

分宜有永年鶴坡署別號江陵有游七楚濱呼相效不過
相門奴僚宋盡禮貌相與通婚媾媚與先媚竈迨後坐刑

蟲鳥吟 卷五

五

誅棄市無相弔固足快人心衣冠失雅操世風日趨下奴
婢亦權要奔競縱得榮後人成罵笑

我聞王子野終身不葷腥我聞許散愁枕席色不侵飲食
與男女人之大欲存二公有異性絕之福壽臻所樂不在
是淡泊非矯情庸人誇奇福肉食喜大烹歌舞長達旦玉
體任橫陳手持戕性斧終必殘其生

香因火而熱亦因火而竭礮因火而震亦因火而裂陰者
能久存陽者必速滅有忍乃有濟勿徒逞氣血靜爲生之
門長生無他訣

作家作文字正氣賴之扶蕭俛指成德辭以無可書撰成

若受貶難將初志誣裝均子詣韋萬縑求其諛貫之願餓
死不肯受錙銖多得諛墓金是非亂毀譽我愛蘇髯翁銘
墓未輕予堂堂眉山集獨銘五大夫

蝶有彩見撲蝸有涎見覓蟬有聲見黏螢有光見獲吾苟
愛吾身名者身之賊藏鋒能不露鉛刀亦難折懷瑾不輕
投天然謝雕刻

再遊華山遇雨

春來曾踏玉芙蓉一片晴雲欲盪胸多謝山靈能慰客又
從烟雨看奇峯

道人畫秋海棠索題

蟲鳥吟 卷五

一枝濃艷影欹斜點染秋光上碧紗畢竟仙人情不淺秋
來有淚亦成花

讀史

在陝不杖笞至鄂多刑殺爲政能知變我愛崔觀察
囹別郎罷後先寵拋棄久何幸杜宣猷寒食奠杯酒
能應擊毬科難作禮部郎當時諸諫議不如野猪良
明知王納賢假欲殺盧質妙哉張七哥巧施救人術
天子不識丁却鏤九經版從此恒心人典籍皆恒產

重陽後一日趙魯編明經三餘書屋看菊遇雨卽簡

翟曉亭解元二君皆子癸酉同年

高人愛花如愛友氣味相投濃于酒若逢好友又好花何
辭一石復一斗華山之麓趙魯編明經早歲予同年自從
獻賦長楊後歸作漁樵渭水邊渭水南山對故居扶疎佳
樹繞吾廬一笑亭前藏花竹

自題其亭爲一笑亭館爲三餘館

三餘館畔貯琴

書此君原非隱逸客愛菊偏學陶彭澤西風徹骨不知寒
香霏庭外月光白月下風前時短詭斗室中有萬里秋一

片吟魂清似鶴夜來飛過大江頭

增編嘗夢南遊

我從客裡度重九

天末寒飈覺寡偶不意君能慰旅愁特開三徑自擁帚三

徑烟雨洗微塵冒雨花迎冒雨人爲玩名花坐西園况復

名士得東鄰

東鄰卽翟解元居

東鄰姓氏吾能記霓裳同詠前日事

蟲鳥吟 卷五

七

天涯聚首若董陳三更共話昌言第花香酒意兩細縑瞻

瓶古鼎何芬芬主人笑指一花語此花爛熳開爲君我醉

移燭入花叢長揖謝花花顏紅因君此語對花笑羈人苦

恨等轉蓬生平喜放看花眼爭奈此中福分淺北山雨雪

南山雲馬蹄踏遍秦中棧人生一作風塵吏冲淡襟懷變

魑魅虛名假說河陽花安得閑雅如君輩君輩勿諂廣文

冷此官亦自多風景養花蒔竹名流風茶經酒譜仙人品

世途險峻多荆棘何如書齋弄花影他時領得閑官味迥

憶吾言必首肯

二君時已就教職

卽事

閑學園丁課種忙
難書人愛晝初長
小橋削後疎如竹
搖曳薰風也自涼

書陳恪勤公傳後

焚香父老盼青天
陰事權人實可憐
兩入武英臣淚下
江南還我活鵬年

黃旗四字插城垣
枷鎖銀鐺狴犴門
一事關心殊未了
詩人誰葬杜茶村

題畫

杏花烟雨路彎彎
翠笠輕蓑叱犢還
只說田家耕作苦
那知身在畫圖間

蟲鳥吟 卷五

壽程耕雲明經

翼際聳靈峯
漢水何清潔
山川聚秀氣
往往產奇傑
屈指數人才
不以窮通別
記我幼小時
久已識元結
列宿盡羅胸
瓊花常在舌
才名播湘江
蘭茝爭芳烈
自我秦中遊
音書悵隔絕
匆匆數年歸
鬢髮微有雪
行年已五十
逸氣更超越
持觴爲君壽
交深語彌切
君本一楚狂
屈宋響未歇
升沉何足言
相期持亮節
風月全天眞
花鳥恣愉悅
不見古詩人
問年多耄耄

夜過田家

暮烟四野合
晚入田家宿
繞樹有啼鳥
臥地見黃犢
西風

吹片月斜影掛林木比鄰忽喧動阿姊呼相促牽伴出蓬
門紡車排陸續軋軋聲相和情親笑語熟回頭覩阿郎大
好健手足同趁新月光三五打新穀

七夕悼亡

可憐瓜果紛陳處兒女嬌癡不解愁忘却年來無母苦夜
深呼我看牽牛

謫園主人劉執菴明府邀看桂作展重陽

斜風吹短棹一葉泛晴空雲影鏡中白日華川上紅到門
山鳥喚尋逕石橋通爲訪淮南宅幽情踵八公

徐步躡崇岡茲山踞武昌亭臺新黜聖花木發馨香東去

蟲鳥吟 卷五

九

江流碧西來鶴影黃天台不遠况復得劉郎

是日宴於園
之小天台

古香吹不盡裾屐此勾留杯酒花前酌烟雲座上收人遵

唐故實

用開成中
展重陽事

地想晉名流話到興亡跡江城暮色幽

憶從燕塞別故里又棲遲聚散渺難定升沉焉可期鑪頭
聊博醉花底好尋詩同是東山侶臨風寄遠思

題孟母三遷圖

三度移居爲養蒙無多家具憫途窮誰知周孔真心學卻
在孤兒寡婦中

題友人課子圖

我昔勸農長安里召彼父老勤課子桑柘影濃杏花飛鳥

聲人語斜陽裏
春城夜靜聞絃歌
迴首於今六載矣
彭君示我課子圖
桐陰滿地籬編枳
白首兀坐聽書聲
當年風景宛在紙
吁嗟統袴習日非
安得人間父老盡如此

題子午蓮畫

曾汲靈山子午泉
瓊漿一酌便如仙
不知揮灑憑誰力
幻作人間萬朵蓮

書鞞雲娘事

高髻粧成萬疊愁
錦花衫子是龍油
誰教冬夏寒溫改
蝶畫輕綃鳳織裘

寄鞠部陳韻舫

蟲鳥吟 卷五

十

螺杯曾遞口脂香
別後風情付渺茫
聞道平江燈夜月
猶從花裏問蕭郎

寒原送客圖

遶郭山如睡
衝寒我送君
昨宵花下酒
今日隴頭雲
須守鶴鶴義
暫分鸞鶴羣
明年春水綠
依舊挹蘭芬

舟中四十初度

鍊就艱辛骨
驚心四十秋
已無親可養
猶以食爲謀
縱酒眞無賴
耽吟未肯休
最憐小兒女
別淚灑江頭

舟中立夏

掃盡殘雲放好晴
輕帆一葉指風城
天涯樹獻消魂色
湘

水波流怨別聲三月鶯花遊子夢十年書劍故人情輸他
鷗鷺忘機甚換盡春光了不驚

落日

落日下橫塘桔槔聲未已不見蘆中人但聞蘆中語

飲水亭晚眺

陰雲乍起歛晴暉小倚欄杆水四圍疊疊新荷風半捲百
千翡翠貼波飛

睡起

小院蕭然睡起遲朝暾已上最高枝落紅辭樹春如夢深
綠當牕曉不知弔古一舟烟水外懷人千里漢江湄故園

蟲鳥吟 卷五

十一

櫻筍誰家宴月下笙歌酒正宜

壽熊蘭谷秀才

微祿滯長安良友悵離別年年秋水明空憶鴈橋月今夕
過橋南蘆葦泛一葉中有高士居開徑遠相接借問高士
誰熊君才特潔年少領青衿詞壇霏玉屑訪古游齊梁看
山入吳越車馬紅塵中年華去如瞥憶我十載前項斯逢
人說春江蘭茝生與子采芳烈胡爲懷和璞獻之屢遭削
蕭條久不見兩鬢忽成雪問年已周甲好學老不輟持觴
爲君壽何以叙濶契君子抱幽芳達人重晚節才大難終
隱鳩居亦計拙相期慰蒼生功名至耄耄

獨坐

獨坐空階秋雨疎
拈髭覓句晚晴初
閒庭寂寞冷如水
落葉飄颻行似魚

題畫

花柳樓臺入望明
纖雲淨處月華生
扁舟撥動陳隋調
人在江南無限情

題王第花瀟湘歸棹圖

我本瀟湘一老漁
醉吹竹笛臥蒲菰
一棹歸來斜照明
江聲落葉繞吾廬
君家舊住西冷渡
愛此湖光清染裾
人生適意且勾留
武林山水何處無

蟲鳥吟 卷五

題黃芳谷黃鶴延秋圖

飛樓枕江流
仙人雲中住
昔聞吹玉笛
縹緲江城路
秋色又西來
笛聲歸何處
嗜奇兩山谷
生綃寫仙趣
萬里秋水明
遙情入烟霧
延秋秋已來
延仙仙久去
浮雲自古今日斷滄江樹

次程耕雲秀才月湖泛舟原韻

秋來新製眼
明囊一棹看
山波漢陽雲
影倒添波影
白蘋花時雜
蓼花香愧無
好句酬齊已
幸有高歌出楚狂

君我來
狂小印

如此湖光能醉客
漫吟白傅酒難忘

次程南溟孝廉晴川閣誌別原韻

雲山千點盡含秋別酒同斟百尺樓攜手何堪君北去驚
心況是雁南遊齊梁世界又紅葉屈宋文章餘白鷗爲問
離人愁幾許蜀江波浪向東流

題翁孫赴塾圖

孫也傍翁行翁也攜孫語送孫赴塾中望汝振家緒對孫
不覺泣憶子父在何須翁送汝

復主講天門喜飲水亭重建

七年鴻爪火門留又掛湘帆訪舊遊天憫勞人成僕閣時
逢溽暑變清秋菱荷香裏朝開甕楊柳陰中午繫舟愛煞
仙班排玉筍昔時都是執經儔

蟲鳥吟

卷五

十三

消寒八詠

夕陽楓葉

一抹斜暉掛遠空前山霜信到丹楓人因向晚憐晴好天
爲無花着色工蜀棧餘霞橫塞紫吳江碎錦蘸波紅不嫌
馬上頭頻掉多少詩情杳靄中

明月梅花

一片蟾光數點梅空明界裡見花開忽驚素女衝寒至似
爲癯仙寫照來影入水池塵不受香浮雪屋夢初迴幾生
鍊骨清如許好向前身悟淨胎

霜橋人跡

昨暮河梁攜手上曉行又見水迢迢寒空不覺駟星淡遠
市漸聞人語囂遊子相看驚歲晚晨光欲動合烟消浮蹤
信是鴻留爪猶憶春攀舊柳條

雪屋書聲

哦詩方跨小橋驢朗朗書聲到耳餘知是幽人耽嘯咏故
將清課伴樵漁聽從曲徑梅花裡尋到深山水竹居料入
梁園能作賦有誰風雪顧茅廬

江城曉角

曉色蒼茫欲放明淒涼畫角動江城吹來萬戶月光墮喚
起一天霜意晴風緊戍樓烏夢醒雲開遠塞雁行驚關河
壯士齊回首觸撥雄心是此聲

蟲鳥吟

卷五

十四

山寺暮鐘

春來策杖指烟鬟花外晴鐘水一灣又是朔風號大野偏
教盡日閉禪關僧歸紅樹斜陽外聲在寒雲暮靄間凍鶴
驚飛眠不穩前峯帶得月光還

古木棲鴉

歸鳥飛時見暮鴉寒林一帶響爬沙羣儂敗葉鳴聲急爭
踏枯枝墨影斜荒寺夕陽千萬點斷橋流水兩三家行人
莫唱烏棲曲秦女機中別恨賒

寒原放犢

牛衣風緊恐難溫
驅向林臯任伏蹲
曠野連羣分子貧
家司牧仗兒孫
黃雲白草朝趨郭
冷笛寒簷晚到門
料得入春筋力健
一犂烟雨杏花村

眠琴四陰圖

雨絲吹斷仗東風
嫩綠紛披小院中
花睡柳眠春意懶
百

和香裏曲初終

柳陰

山色簾光相映明
綠槐多處午陰清
瑤琴乍弄薰風至
時

有新蟬三兩聲

槐陰

露零金井葉初飄
滿地碧雲尚未凋
天氣已涼人薄醉
携

琴肯負可憐宵

桐陰

蟲鳥吟 卷五

五

纔向深山採藥回
仙人扶杖色如孩
迎門松影盤青蓋
不

必琴聲鶴亦來

松陰

小車行

小車斑斑紅旗捲
後爲推兮前爲挽
日出獨輪響前岡
客心轆轤如車轉
荆南燕北路何極
車中人面已非昔
安得此身似此車
長受人間推挽力

黃陂道中

槐夏風涼午乍晴
長途雨後未塵生
綠陰村郭濃于染
一路人家打麥聲

連夕夢先嚴慈

昔我思親親我思而今色笑渺何之不如日作還鄉夢夢見雙親思我時

許州道中

喜聽鳴鳩噪麥田魏都今又駐吟鞭土人盡說今年樂二十年前似此年

道中遇風

風撼垂楊怒未平狂沙亂捲掩行旌車中渾似舟中臥臥聽洪濤鼓盪聲

邯鄲

莫把功名比夢看夢於醒後境還安終身憂患無休歇只

蟲鳥吟 卷五

有名臣報國難

良鄉道中

嵐光乍吐雲猶濕塔影高懸霧漸開清磬一聲林際響老僧托鉢乞錢來

張茂先故里

中台星坼後猶仰晉丰標竭力同荀息多材卽鄭僑有箴醫后悍無計弭藩驕淒絕龍山路行人一奠椒

舟行趙北口

秋水長天日半銜波光灩澦染征衫勞人宦况今稍慰十里垂楊一布帆

偕撫甯李集堂明府登澄海樓

危樓三面水如烟一氣茫茫望渺然此外不知何世界昔

人枉自說神仙蒼龍穩睡雲歸洞白馬狂奔浪拍天齊向

水晶宮底拜恩膏卽早慰窮邊

時久旱同至海神廟祈雨

喜于五秀才來署

少小才名藉蹉跎直到今斯文能白戰吾道不黃金湘水

雲帆遠薊門烟樹深相期勤切琢莫漫負初心

姜女操

紅墻外里許有望夫山祠塑姜女像木石幽秀可以

少憩子至其地慨節義之不泯若斯也因作姜女操

蟲鳥吟 卷五

昔出金鎖關弔夫人之舊居

陝中同官縣北有姜女故里

今出山海關憶

夫人之望夫望范郎兮郎已死拾骸骨兮歸故里一慟能

令天地昏何恠長城爲傾圮古來精誠之感類如此吁嗟

乎山有時而崩騫海有時而桑田惟夫人之節義與天地

分萬年

八哥

主人玩物愛八哥貯以雕籠飼以肉貪饗性成羽毛豐蟲

蟻琢盡猶未足去年高飛來遶左脚跟猶繫黃金鎖日與

梟鳥肆狂虐假說鳳凰不如我八哥八哥吾語汝主人有

貓健如虎一朝搏擊逞雄威行看將汝作糜脯

五泉菴看紅葉

古刹寒雲鎖未開層巒遙望錦成堆老僧聽得秋林響知
有遊人騎馬來

夏來繞屋綠華濃又飽清霜見醉容刻翠流丹眞兩絕一
株波羅一株松

寒山門對海天隅山氣清華海氣枯祇恐龍君應羨紫宮
中無此好珊瑚
秋色江南似也無石臺月榭路縈紆何時飽占山林福紅
葉叢中讀我書

二郎山

蟲鳥吟 卷五

十六

山無數徂高靈氣於焉結亭無半畝寬萬象齊羅列大海
遠浮空青氣時起滅迴環千里間混茫不可說背有羣峯
圍峯峯特奇絕高低若翠屏天然開石穴帶以石河流沙
明聚如雪俯首瞰歸樵影小緣谿疊予無求仙志仙人眞
可接願仙賜豐年使我民氣悅

喜程鳳山明經來署

鯉庭趨對仰前修含淚同懷楚水頭貧士文章偏富麗中
年情緒轉風流北堂雲樹縈清夢南渡湖山話壯遊幾次
呼僮斟莫淺與君痛飲訴離愁

步咸松圃權使遊元陽洞原韻

十月納稼農事了鴻磬甫定飢腸療長官騎馬出城來朔
吹霜天巡邊要勝跡爭傳三道關升高我欲恣遠眺乍入
谷口不勝寒懸崖偏仄通一窾馬蹄趑趄不肯前仰視石
壁千尋峭盤折層巔一迴首海氣茫茫天外繞不識此地
有居民但聞雲端人語笑果然世外得桃源絕頂歡迎來
老少導我平沙南向行山內有山真仙嶠一片黃葉霜後
村土人猶守舊軍屯馬首縱談山中事說盡靈蛇與仙猿
聞某夫人至洞爲大蟒所阻
又有白猴仙土人常見之仙靈幽棲山足麓依山天然開小
築未知是築還是山松鎖雙扉運不熟初若拾級登廣堂
繼若下喬入幽谷暗處昏如驢旋磨明處忽如烏集屋天

蟲鳥吟

卷五

十九

光雨點井底窺雲影山色自相逐恠風颼颼穿罅來疑有
神物就中伏到此始悟元又元福地由來卽洞天石溜貯
水深難測精氣或者通大川後山前山無分界一木一石
皆欲仙我來久坐暮雲合竇從高歌紛雜沓學佛不飛應
真錫學仙久陋陳擗榻但願常作豐年遊士女如雲挈春
盞

喜東溟書院落成

我性如蠹魚愛結文字緣每逢退食暇常自手一編頭腦
本冬烘弟子喜來前就中求佳士臯比頗陶然無福提玉
尺衡量天下賢藉此升斗祿清登相憫憐儲育華國彥賤

名附以傳平州時雄關剛強爲要邊歷代征戰苦風與齊
魯懸涵濡蒙 聖化百年樂誦絃豈乏奇傑流教導恐無
權買地下城南結構整堂檐諸生時習禮文采何翩翩花
下一樽酒親爲點丹鉛曷以經濟學勉以韶華年雖遜湖
州叟道德獨仔肩証之愛才心素餐或免愆

瓶中桃花

軍持貯水嫩枝蟠琴閣能供一月看若使和根留洞口可
憐風雨已摧殘

不惜金錢買笑顰錦茵綉幕總相親如何上座邀光寵只
把無言報主人

蟲鳥吟 卷五

冬柳步岳星巖少尉原韻

黃葉飛餘欲雪天勞勞亭外半寒烟難忘桃李深相映得
慙水霜亦自憐金粉飄零隋苑暮玉門征戰太初年路人
莫說真憔悴取次春光在眼前

蟬聲秋盡聽初殘無復攀條把酒看冷月上梢凝望易寒
鴉噪晚欲棲難風流不是靈和緒感慨偏增司馬桓輸我
歲闌同志侶老松蒼翠竹平安

偏涼汀

偏涼汀上雲樹稠偏涼汀下舳舻遊嵌壁亭臺三十所教
人那不羨灤州

走索行

東風噓暖春陰薄，柳欲吐芽桃未灼。鉦聲響處院宇深，笑語倚欄看走索。借問誰擅此戲娛，云是碣石雲二姑。臉暈微霞眉鎖翠，容顏約畧十五餘。卸却長裙結束短，對人笑將紅袖捲輕軀。一躍上竿頭，坐整弓鞋意若懶。徐起舉步向前行，似欲仙去不復返。霎時退步向後行，又是留仙裙可挽。乍前乍後往復來，金繩覺路果誰開。玉清竊逃飛瓊降，消息無乃近瑤臺。果然妙舞勝旋風，拋撇沙囊戲更工。手足抱繩亂輾轉，或如驚鴻或遊龍。翻身一蹶身倒掛，忽如獼猴懸古松。此時觀者咸動魄，阿母扶掖亦失色。誰知躡躑索上人，斜理雲鬟殊自得。我見生憐且嘆驚，老眼看花亦有情。是流民耶，是使女，幾番欲問面發頰。

復成一絕

一線橫空自在行，女兒體態本輕盈。可憐世路崎嶇甚，履險如平合讓卿。

挑引河

挑河挑河耶，許聲囉囉官如鸚鵡。之在野夫如螻蟻，之出窠欲辭勞瘁懼。遭譴訶，敬告大吏地衝政。多年來不逞撫字催科願，輸千金。助工則那大吏不許可，奈何塵汚面泥污。韉晝夜奔馳，官不如爾馬爾驟。吁嗟乎挑河。

良鄉道中作

敝車催我薊門行，輾轉寒宵夢不成。鬚鬢今年霜已上，關河昨夜雁無聲。蛾眉相見誰甘讓，鼠腹雖枵却易盈。盡道風塵多俗骨，捫心猶幸是書生。

西軒落成次星岩少尹見贈原韻

梓里得佳士，其人清且明。裁詩多逸品，論古發幽情。爲我園林勝，煩君雅頌聲。吏心同一潔，微利不蠅營。

青瑣吾本慣，坐作凍鴟蹲。捧檄來邊塞，操刀勞夢魂。但餐

瓊海鯨

臨邑邊海多魚

空羨玉堂罇

余以不得京秩爲恨

江上敞廬在，遙思松

菊存

蝨鳥吟 卷五

小軒圍古樹，綠意撲簾來。人愛張金鑑

張星帆水部寓此軒數月

書藏董

玉杯得閒惟課種，有好只憐才。爲遣公餘興，行吟日幾迴。塵吏披塵牘，憂勤在夙興。門前思拔薤，梁上久封綾。撫字慙三善，陰陽念庶徵。同舟緣不淺，相與勵春冰。

澄海樓觀日出長歌

歲在甲午之暮，春月已下。弦天放晴，蕭子四十三初度。避客海上，獨怡情。是時東風水早，泮白波震撼，作龍吟策蹇。水濱日欲夕，擬將祓除學蘭亭。老僧殷勤支木榻，地隔塵囂，魂夢清金鷄三號。天將曙，呼我起看海日，升開門忽訝。昨景非萬頃，龍波走紅鱗。莫是瓊樓瑤島衆，仙女粧罷齊。

將脂水傾抑或天神踏浪斬巨蛟血染綠波色流頰繫馬
登樓一長嘯乃知明霞徐起影縱橫初若輕綃之漫天隱
約紅燈未分明繼若萬燭之燒空烈炬赤燄爭飛騰須臾
彩雲忽中裂若有人兮扶一輪漸上漸圓如璧合其下漸
方如圭形以圭承璧兩相連精光瑞氣難爲名細視方者
復增高轟礮洞開雙天門門內火珠十萬迸有如咸陽阿
房遭項焚門外重霧讓陽光兩旁散作週遭之赤城迴望
五更紫氣色轉淡化爲波心萬道金疑有神龍與天馬擁
簇羣真駕彩輶往來馳驟於其間使我可望不可親化工
狡獪亦太甚倒懸金塔十二層塔影橫波波影閃依稀金
橋一帶坦且平翻笑求仙秦帝陋鞭石見血不能成霎時
日高光徐歛銀臺金闕歸渺冥鳥踰上天已三竿但見茫
茫萬里海氣青厓我七度海上宿風霾隔斷眼無靈者番
自覩心神駭或有天意非人能暮歸與客語奇絕狂吟直
欲千杯斟客云二曜真形原不變其變乃因水虧盈若非
海爲天作鏡安能幻出光怪陸離之奇文請君以盂盛水
看晴日其光射日亦熒熒一客又云理易解陽宗本從水
底生地乃天中大塊耳其下四旁天水相吐吞試思日兮
西入復東出入後豈從結實之處行所以水天兩激盪變
化不窮耿元精一說且存弗深考究不知其所出之地爲

異國耶爲蓬瀛祇覺咸池暘谷之雲霞時時滂沛璀璨於
予心

牡丹

如此風光恰艷陽綠雲深處擁紅粧披來一品神仙服占
盡六朝金粉香碧玉欄杆春似海珍珠簾幕錦成行書生
頓染繁華習舞袖翩翩滿畫堂

白牡丹

魏姚種裡別生花多買胭脂陋畫家富貴何心甘淡素樓
臺有夢醒繁華香肌似雪嬌初墮綺袂臨風舞欲斜同受
錦屏供養好玉顏莫道不如鴉

蟲鳥吟 卷五

其二

瓊樓仙子久相思皎皎環窗忽幾枝悟到桃花憎命薄拋
開金粉懺情癡庭懸明月珠盤合簾捲東風玉燕知自是
君王愛高潔不將沉醉羨西施

其二

好把清光証舊緣容華不飾謝丹鉛香藏金屋渾無艷夢
墮瑤臺欲化烟傅粉何郎新尙主淡粧號國喜朝天江南
玉樹情猶是一樣清歌付酒邊

荷包牡丹

春羅剪就作良媒翠玉盤中錦一堆香色居然成手製化

工似此費心裁低垂小隊形如縮牢鎖芳情口莫開太息
唐宮妃子去是誰拾得佩囊來

其二

枝枝巧作貫珠連淡染天香別有妍富貴不難歸掌握神
仙也解事腰纏幾時小隊蓮鬢縮一片柔情藕線牽坐對
瓶盃華麗甚誰言宦橐太蕭然

桐陰抱琴圖

美人坐桐陰抱琴起長歎欲奏相思曲相思渺無岸

山海關雜詠

乾坤日月任沉浮終古神仙不可求對岸檣帆八百里有

蟲鳥吟 卷五

五

人破浪到登州 山海關舟至登州八百里

高懸雲罕記

宸遊萬里波濤匯一樓

御筆原宜

壽金石羨他侍從也名留

澄海樓詩碑凡侍從之臣聯句列名

海雲遠映現烟鬟樂壽亭邊時往還千疊屏風一曲水夜
來夢繞二郎山

果然曲徑隱優曇樓閣參差貼翠嵐紅葉白雲看不厭教
人常憶五泉菴

倚山築壘勢何雄處處當年駐總戎鎮北臺邊曾走馬相
違萬里又相逢 予在陝榆林郡曾觀長城

巍峩宮殿

帝居尊每到冬來刈草痕文杏千株樓一

角鎖將春色不開門

開國功臣豹畧奇長城重整寄安危平西也是元戎貴獨

拜秋風太傅祠 長城明徐中山重修

東羅城外曉飛霜東羅城內劍戟張中外一家門戶好莫

教當道有豺狼

萬里追尋太苦辛長城忽爾哭聲振秦皇縱有鞭山力不

及窮途一婦人 俗傳水門乃孟姜哭倒處

入時歡極出時愁小嶺居然名兩留山川不管人閒事一

任行人自喜憂 關外有嶺出關者名曰悽惶嶺入關者名曰歡喜嶺

傍水崖前訪舊宮南塘設伏奏奇功鱗甲開張鬚鬣奮世

蟲鳥吟 卷五

聞未見此奇松 城南塘曾於此設伏兵

角山險絕路縱橫上有龍潭墜我誠披榛記得前年去纔

下山時雨便傾 子兩次步禱上山雨立至

大將乞師志掃塵圓圓事跡未全真司成不諒包胥哭也

是當年覆楚人 吳逆本不足取然以圓圓事責之未免拋却君父大義我朝與師原為其雪仇也

副軍獨領駐防營坐擁轅門大燻明一片荒涼南北翼最

無生計是旂兵 南翼北翼二城乃旂兵聚札處多係破衣頽垣

偈仄深溝望欲還驀然匹馬上天關後山洞轉前山去奇

絕遠西第一山 三道關元陽洞乃臨邑第一勝地

東風着力任吹噓海上冰消二月初新起茅棚三十所家

家占地打青魚

二月中旬青魚大至
居人頗獲利

貧民多半採樵忙
澗底歸來已夕陽
一路蹇驢負薪走
隔

山錯認是驃綱

二仲中旬轟礮雷
南城入夜報關開
沿途十里紅燈起
都

帥承

恩祭海來 都統一歲二祭海

二百里外是乾溝
多少庄頭作市頭
不應官差種官地
山

中別有古春秋 乾溝乃口外一大集鎮俱庄頭霸之

山田望澤喜長流
驅盡旱虹歲倍收
蚤起看雲知有雨
昨

青海嘯老龍頭

海分東西嘯西嘯無雨東嘯至老龍頭則雨

城東鼓角動高樓
使者勾稽費運籌
盡把贏餘歸 丙府

壺鳥吟 卷五

三

看他何自起戈矛

新築石龕地數弓
望洋門外祀先農
長官政拙無他願
只

爲蒼生祈歲豐

予於南成新築先農壇

楊花作絮撲西城
四月花開始踏青
戎無盧仝嗜茶癖
汲

泉也喚道人烹 附城水以三清觀爲極佳

豚豚游魚逆水回
薰風吹遍石河隈
綠楊影裏人聲雜
小

艇輕篋賣海胎

海胎魚味美

近來事事遲繁華
破却關前幾舊家
小塢藏春移向暖
殘

冬市上賣唐花

城西新開花局

給孤寺外草痕勻
寒雨淒風柩作鄰
解道人生行樂好
秋

晴趁早鬪鸛鷄

八月鸛鷄會辰集給孤寺

鄉村鞋式盡如弓裙布荆釵笑未工因甚紅粧多艷麗兒

家夫婿買關東

鄉城婦女皆尙脂粉

迎恩門外馬如梭日日侯王擁節過莫漫放青山裏去大

官支應近來多

遷安驛在城西關

買得南城屋幾層諸生分點讀書燈頻揩老眼天邊望望

爾東溟起大鵬

予買左翼德君舊宅三千餘間改作書院額曰東溟

一山橫跨水當中盡道秦王舊築宮風雨海天成一色老

僧時見蚌珠紅

廟祝言每逢風雨有大蚌戲珠

場開歸化令申嚴竈戶年來滅未添野外火鎗聲不斷官

蟲鳥吟

卷五

三

人夜半緝私鹽

細流經雨便洪湍守渡篙工下手難任爾故添風浪勢須

吏到海卽安瀾

石河水漲多停渡

小車軋軋獨輪摧男婦咨嗟面色灰問是貧民勤服苦一

年一度出關來

山左貧民俱於一月出關耕作九月回

徘徊歧路儼迷津偷渡更遭關吏嗔萬里遼東皆內地於

今猶禁扒邊人

扒邊者送縣柳杖

天后宮前舊海口糧商小泊尙輸租晴霽徐開窗四面公

然一幅海帆圖

廟卽舊海口至今小舟關部亦納稅

風雨深宵滙百靈門前一派海雲青何年警蹕來天上

特賜懸樓一藏經

海神廟後樓藏經係

御賜

白帽時逢高麗使黃衣常見喇嘛僧緣何載擊肩摩甚十月遼東已厚冰

冬時行旅雲集因關外水厚可行車

石城東角翠微巔古剎雲深樵逕穿四面好山如拱揖陶然亭上客陶然

百丈蒼松仙鶴叫七尺福洞老龍眠參透石門風景好無窮色相在天淵

石門八景以洞隱龍秋古松策鶴爲最

我乏坡仙祈禱才陽侯豈許現樓臺二年悔不聯峯望一辨仙踪虛實來

聯峯山在城西七十里舊誌稱土人往往見海市

比歲貪天穀屢登土民邀我試春燈六街簫鼓春如海照

龜島吟

卷五

无

徹瓊樓十二層

十五年關上放燈頗爲鉅觀

黑衣鐵距鎖雄形千里飛禽貢

帝廷怪底傳呼肉食

急驛前剛到海東青

關東每歲貢海東青

紅牆一帶肅觀瞻旅店年來次第添相戒行囊收拾淨關門翻索比前嚴

紅牆離城十里出入關者多住此

叫破晴雲透曉寒角聲隱隱起城端土人說係催租例莫認悲筋淚不乾

二八月城上長鳴角云催旂租

北城陰窖築牢牢砍取河邊雪後濤開到荷花天暑甚懸官小印送冰條

聽說京東影戲佳燈前五色巧安排太平歌舞何須禁絃

管聲中月滿街

如湯石榴久烘傳亭樹巖花各獻妍只爲驪山常在念等

閒辜負此溫泉 平山營北溫泉予未至

西園花裏泛清樽如畫青山落翠痕松石有情亭沼曲少

游風趣至今存

園爲馬季眉刺史所脩予復改西房三間爲碧天如畫之軒築池貯泉

小舫題詩聊自娛一鑪一几傍花居他年歸泛南湖棹載

取米家萬卷書

署有船房予額曰小詩舫

不受人間作業錢那能滄海變桑田清風羸馬辭關去要

使邊城說吏賢

蟲鳥吟

卷五

三十一

